

মানুষের সাথে শয়তানের শক্তিতা

30-January-2020

সাপ্তাহিক সূন্নাতে ভরা ইজতিমার
সূন্নাতে ভরা বয়ান
(Bangla)

(For Islamic Sisters)

প্রত্যেক মুবাঞ্জিগা বয়ান করার পূর্বে কমপক্ষে তিনবার পাঠ করুন

أَلْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ ط
 أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ ط بِسْمِ اللَّهِ الرَّحْمَنِ الرَّحِيمِ ط
 وَالصَّلَاةُ وَالسَّلَامُ عَلَيْكَ يَا رَسُولَ اللَّهِ وَعَلَى أٰلِكَ وَأَصْحَابِكَ يَا حَبِيبَ اللَّهِ
 وَالصَّلَاةُ وَالسَّلَامُ عَلَيْكَ يَا نَبِيَّ اللَّهِ وَعَلَى أٰلِكَ وَأَصْحَابِكَ يَا نُورَ اللَّهِ

দরুদ শরীফের ফযীলত

প্রিয় আক্কা, মক্কী মাদানী মুস্তফা صَلَّى اللهُ عَلَيْهِ وَآلِهِ وَسَلَّمَ ইরশাদ করেন: مَا جَلَسَ قَوْمٌ مَجْلِسًا لَمْ يَذْكُرُوا اللَّهَ فِيهِ، وَلَمْ يُصَلُّوا عَلَى نَبِيِّهِمْ إِلَّا كَانَ عَلَيْهِمْ تَوْرَةٌ فَإِنْ شَاءَ عَذَّبَهُمْ وَإِنْ شَاءَ غَفَرَ لَهُمْ অর্থাৎ যে ব্যক্তি কোন এমন বৈঠকে বসবে, যাতে সে না তো আল্লাহ পাকের যিকির করে আর না আপন নবী (صَلَّى اللهُ عَلَيْهِ وَآلِهِ وَسَلَّمَ) এর প্রতি দরুদ শরীফ পাঠ করে, তবে (কিয়ামতের দিন) সেই বৈঠক তার জন্য আফসোসের কারণ হবে। অতএব আল্লাহ পাক চাইলে তাকে আযাব দিবেন আর চাইলে ক্ষমা করে দিবেন। (তিরমিযী, ৫/২৪৭, হাদীস-৩৩৯১)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী বোনেরা! আল্লাহ পাকের সন্তুষ্টি এবং সাওয়াব অর্জনের উদ্দেশ্যে প্রথমে কিছু ভালো ভাল নিয়্যত করে নিই। প্রিয় নবী صَلَّى اللهُ عَلَيْهِ وَآلِهِ وَسَلَّمَ ইরশাদ করেন: “نِيَّةُ الْمُؤْمِنِ خَيْرٌ مِنْ عَمَلِهِ” মুসলমানের নিয়্যত তার আমল অপেক্ষা উত্তম।

(মু'জামুল কাবীর, সাহাল বিন সা'আদ, ৬/১৮৫, হাদীস: ৫৯৪২)

গুরুত্বপূর্ণ পয়েন্ট:

নেক ও জায়য কাজে যত ভালো নিয়্যত, সাওয়াবও তত বেশি পাওয়া যাবে।

বয়ান শ্রবণ করার নিয়্যত সমূহ

অবস্থার পরিপ্রেক্ষিতে নিয়্যতের মাঝে পরিবর্তন করা যেতে পারে।

- * দৃষ্টিকে নত রেখে গভীর মনোযোগ সহকারে বয়ান শ্রবণ করবো।
- * হেলান দিয়ে বসার পরিবর্তে ইলমে দ্বীনের সম্মানার্থে যতক্ষণ সম্ভব দু'যানু হয়ে বসবো।
- * প্রয়োজনে সামনে এগিয়ে অন্য ইসলামী বোনদের জন্য জায়গা প্রসারিত করবো।
- * ধাক্কা ইত্যাদি লাগলে ধৈর্যধারণ করবো, ধমকানো, ঝগড়া করা বা বিশৃংখলা করা থেকে বেঁচে থাকবো।
- * تَوْبُوْا اِلَى اللّٰهِ، اذْكُرُوْا اللّٰهَ، صَلُّوْا عَلٰى الْحَبِيبِ! ইত্যাদি

শুনে সাওয়াব অর্জন এবং আওয়াজ প্রদানকারীনির মনতুষ্টির জন্য নিল্লেখ্যে উত্তর প্রদান করবো। * বয়ানের পর নিজেই আগে এসে সালাম ও মুসাফাহা এবং ইনফিরাদী কৌশিশ করবো। * বয়ানের সময় অযথা মোবাইল ব্যবহার করা থেকে বিরত থাকবো। * বয়ান রেকর্ড করবো না এবং এমন কোর প্রকার আওয়াজ করবো না যার অনুমতি নেই। * যা কিছু শুনবো, তা শুনে এবং বুঝে এর উপর আমল করবো আর তা পরে অপরের নিকট পৌঁছিয়ে নেকীর দাওয়াতকে প্রসার করবো।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

প্রিয় ইসলামী বোনেরা! নিঃসন্দেহে প্রতিটি ব্যক্তি তার শত্রুকে ঘৃণা করে এবং তার ক্ষতি থেকে বাঁচার চেষ্টা করে থাকে, শত্রু যতবেশি শক্তিশালী, তার থেকে নিরাপত্তার বিষয়ে ততবেশি সতর্কতা অবলম্বন করা হয়, ততবেশি নিরাপত্তার ব্যবস্থা করা হয়। মনে রাখবেন! মানুষের সবচেয়ে বড় এবং সবচেয়ে ভয়ঙ্কর শত্রু হলো শয়তান, আউলিয়ায়ে কিরাম رَحْمَةُ اللهِ السَّلَام থেকে শুরু করে সাধারণ মানুষ পর্যন্ত শয়তান সবার সাথেই শত্রুতা পোষণ করে এবং তাদেরকে পথভ্রষ্ট করার জন্য বিভিন্ন বাহানা করে থাকে, আল্লাহ পাক কোরআনে করীমের বিভিন্ন স্থানে শয়তানের পরিচয় দিয়েছেন। আজকের বয়ানে “মানুষের সাথে শয়তানের শত্রুতা” সম্পর্কে আয়াত, হাদীসে মুবারাক বুয়ুর্গানে দ্বীনদের رَحْمَةُ اللهِ السَّلَام ঘটনাবলী এবং শয়তানের আক্রমণকে প্রতিহত করার পদ্ধতিও শ্রবন করবো। আহ! যদি সম্পূর্ণ বয়ান ভাল ভাল নিয়ত সহকারে পরিপূর্ণ মনযোগ সহকারে শ্রবণ করা নসীব হয়ে যায়। আসুন! সর্বপ্রথম শয়তানের মানুষের সাথে শত্রুতার একটি ঘটনা শ্রবণ করি:

অভিশপ্ত শয়তানের ক্ষতি থেকে নিরাপত্তা লাভ

একবার অলীদের সর্দার ছয়ুর গউসে পাক رَحْمَةُ اللهِ عَلَيْهِ সফর করছিলেন, সফরকালে কিছুদিন তিনি رَحْمَةُ اللهِ عَلَيْهِ এমন এক স্থানে অবস্থান করেন, যেখানে পানি ছিলো না, যখন গউসে পাক رَحْمَةُ اللهِ عَلَيْهِ এর প্রচণ্ড পিপাসা অনুভব হলো, তখন বৃষ্টি হতে লাগলো, যাতে তিনি رَحْمَةُ اللهِ عَلَيْهِ পিপাসা নিবারন করলেন, অতঃপর তিনি رَحْمَةُ اللهِ عَلَيْهِ আকাশে একটি নূর দেখলেন, যার একটি অংশ আলোকিত হয়ে গেছে

এবং একটি আকৃতি প্রকাশ পেলো, যা থেকে এই আওয়াজ আসলো: “হে আব্দুল কাদির! আমিই তোমার প্রতিপালক এবং আমি তোমার জন্য হারাম বস্তুকে হালাল করে দিলাম!” একথা শুনে তিনি رَحْمَةُ اللَّهِ عَلَيْهِ مِنْ الشَّيْطَانِ الرَّجِيمِ এই বলে বিফল করে দিলেন: “হে অভিশপ্ত শয়তান! দূর হয়ে যা।” তখন আলোকিত অংশটি অন্ধকারে পরিনত হলো এবং সেই আকৃতি ধোঁয়া হয়ে গেলো। অতঃপর শয়তান এভাবে আক্রমণ করলো: “হে আব্দুল কাদির! তুমি আমার থেকে নিজের জ্ঞান, আপন দয়ালু রবের হুকুম এবং নিজের মর্যাদাময় জ্ঞানবুদ্ধির মাধ্যমে মুক্তি পেয়ে গেলে আর আমি এভাবে (৭০) সত্তরজন বুয়ুর্গকে পথভ্রষ্ট করে দিয়েছি।” মানুষের শত্রুর এই আক্রমণকেও আমাদের গউসে পাক رَحْمَةُ اللَّهِ عَلَيْهِ এই বলে বিফল করে দিলেন: “এটা শুধুই আমার দয়ালু রবের দয়া ও অনুগ্রহ।” যখন তাঁকে জিজ্ঞাসা করা হলো: আপনি কিভাবে বুঝলেন যে, সে শয়তান ছিলো? তিনি رَحْمَةُ اللَّهِ عَلَيْهِ বললেন: তার এই কথায় যে, “নিশ্চয় আমি তোমার জন্য হারাম জিনিষকে হালাল করে দিয়েছি।”

(বাহজাতুল আসরার, ২২৮ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

প্রিয় ইসলামী বোনেরা! বর্ণনাকৃত ঘটনা থেকে জানতে পারলাম! অভিশপ্ত শয়তান সাধারণ মানুষের প্রতি তো শত্রুতা পোষণ করেই কিন্তু আল্লাহ ওয়ালাদের সাথে তার শত্রুতা আরো বেশি হয়ে থাকে এবং তাদের পথভ্রষ্ট করার জন্য বিভিন্ন ভাবে আক্রমণ করে থাকে, কয়েকবার বিফল হওয়ার পরও নিরাশ হয়না, যেমনটি বর্ণনাকৃত ঘটনায় পীরানে পীর, রওশন জমীর, হুয়ুর গউসে পাক رَحْمَةُ اللَّهِ عَلَيْهِ এর মতো মহান ব্যক্তিত্বকে পথভ্রষ্ট করার জন্য এই আক্রমণ করলো যে, আমি তোমার জন্য হারাম বস্তুকে হালাল করে দিয়েছি, তখন তিনি رَحْمَةُ اللَّهِ عَلَيْهِ তার এই আক্রমণকে বিফল করে দিলেন।

একটু ভাবুন! সৃষ্টির মধ্যে সবচেয়ে উচ্চ মর্যাদা কার? নিঃসন্দেহে প্রিয় আব্বা صَلَّى اللَّهُ عَلَيْهِ وَآلِهِ وَسَلَّمَ এর, তিনি صَلَّى اللَّهُ عَلَيْهِ وَآلِهِ وَسَلَّمَ এমন নামাযী ছিলেন যে, তাঁর ন্যায় কোন নামাযী হতেই পারে না, তাঁর ন্যায় কেউ ইবাদত করার কল্পনাও করতে পারে না। তাঁর উপর তো তাহাজ্জুদও ফরয ছিলো, যদিওবা তিনি صَلَّى اللَّهُ عَلَيْهِ وَآلِهِ وَسَلَّمَ শরীয়তের মালিক ছিলেন, তবুও দয়ালু রবের বিধান পূর্ণ করেছেন।

প্রিয় ইসলামী বোনেরা! মনে রাখবেন! শয়তান মানুষের প্রকাশ্য শত্রু, এই বিষয়টি আল্লাহ পাক ১৫ পারা সূরা বনী ইসরাঈলের ৫৩নং আয়াতে ইরশাদ করেন:

إِنَّ الشَّيْطَانَ كَانَ لِإِنْسَانٍ عَدُوًّا مُّبِينًا ﴿٥٣﴾

(পারা ১৫, সূরা বনী ইসরাঈল, আয়াত ৫৩)

কানযুল ঈমান থেকে অনুবাদ: নিশ্চয়

শয়তান মানুষের প্রকাশ্য শত্রু।

প্রিয় ইসলামী বোনেরা! জানা গেলো! শয়তান মানুষের প্রকাশ্য শত্রু। শয়তান এই শত্রুতা প্রকাশের জন্য অনেক ধরনের হাতিয়ার ব্যবহার করে থাকে। * শয়তান কখনো লৌকিকতা প্রদর্শন করিয়ে নেকীসমূহ নষ্ট করে দেয়। * কখনো কুমন্ত্রণা ঢেলে নেকীতে প্রতিবন্ধক হয়ে দাঁড়ায়। * কখনো মুসলমানদের মাঝে শত্রুতা এবং দূরত্ব সৃষ্টি করে গীবত ও অপবাদের দরজা খুলে দেয়। * কখনো মিথ্যা বলিয়ে আখিরাতেকে ধ্বংস করানোর চেষ্টা করে। * কখনো হিংসার কাঁটা অন্তরে বিদ্ধ করিয়ে দোষখের আগুনে নিষ্ক্ষেপ করার চেষ্টা করে। * কখনো অহঙ্কারে লিপ্ত করে নিজের শত্রুতার লক্ষ্যবস্তুতে পরিনত করে। * বাহ্বার আকাঙ্ক্ষায় হ্রেফতার করিয়ে নেকী নষ্ট করে দেয়। * কখনো মুসলমানের অন্তরে লুকায়িত শত্রুতা সৃষ্টি করে নিজের কার্যসিদ্ধি করে। * কখনো পিতামাতার অবাধ্যতায় উদ্বুদ্ধ করিয়ে দুনিয়া ও আখিরাতে অপদস্ত করে দেয়। * কখনো অসুস্থতায় অধৈর্য এবং চিৎকার চোঁচামেচি করিয়ে ধৈর্যের বিনা হিসাব সাওয়াব থেকে বঞ্চিত করিয়ে দেয়। * কখনো নামায থেকে * কখনো ফরয সমূহ থেকে * কখনো ফরয ও আবশ্যিক ইলমে দ্বীন থেকে দূর করে দেয়। * কখনো কোরআনের তিলাওয়াত থেকে দূরে সরিয়ে দেয়। * কখনো নেক আমলে অলসতা প্রদান করে। মোটকথা! শয়তান নিজের শত্রুতা প্রকাশ করার জন্য বিভিন্ন ভাবে মানুষকে ঘিরে রাখার চেষ্টা করে থাকে। আমাদেরকে তার প্রতিটি আক্রমণের প্রতি সতর্ক থাকা উচিত।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

শয়তানের একটি হাতিয়ার হলো “লৌকিকতা”

প্রিয় ইসলামী বোনেরা! এতে কোন সন্দেহ নেই যে, শয়তান আমাদের নেকী করতে দেয় না, যদি আমরা ব্যাপক চেষ্টা করে নেক আমল করাতে সফল

হয়েও যাই, তবে শয়তান আমাদের ইবাদত, সদকা ও খয়রাতকে কবুল হওয়া থেকে আটকানোর জন্য তার পুরো শক্তি ব্যয় করে, আমাদের ইবাদতে এমন কোন ভুল করানোর চেষ্টা করে, যা একে নষ্ট করে দেয় বা ইবাদতের পর আমাদের অন্তরে প্রসিদ্ধি লাভের আকাঙ্ক্ষা সৃষ্টি হয়, কেউ আমাদের নেকীর চর্চা করুক বা না করুক, আমরা স্বয়ং শরীয়তের বিনা প্রয়োজনে নেকী প্রকাশ করে “নিজেকে বড়” করা থেকে বিরত থাকে না এবং এভাবে শয়তানের পাতা লৌকিকতার ফাঁদে ফেঁসে যায়।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

লৌকিকতার সংজ্ঞা

আমীরে আহলে সুন্নাত হযরত আল্লামা মাওলানা মুহাম্মদ ইলইয়াস আভার কাদেরী رَحِمَهُ اللهُ “নেকীর দাওয়াত” এর ৫৬ পৃষ্ঠা লিখেন: আল্লাহ পাকের সম্বন্ধি ব্যতীত অন্য কোন উদ্দেশ্যে ইবাদত করাকে লৌকিকতা বলে।

আসুন! আমীরে আহলে সুন্নাত رَحِمَهُ اللهُ এর কিতাব “নেকীর দাওয়াত” প্রথম অংশের ৬২ পৃষ্ঠা থেকে লৌকিকতার কিছু ইদাহরণ শ্রবণ করি। মনে রাখবেন! লৌকিকতা এমন একটি আমল, যা সম্পূর্ণ নির্ভর করে নিয়্যতের উপর, সুতরাং যে উদাহরণগুলো উপস্থাপন করা হচ্ছে, তা যদিও লৌকিকতারই কিন্তু কিছু স্থানে নিয়্যতের পার্থক্যের কারণে আহকাম পরিবর্তন হয়ে যায়। আসুন! নিজের সংশোধনের নিয়্যতে মনযোগ সহকারে শ্রবণ করি:

লৌকিকতার ১০টি উদাহরণ

(১) ক্বিরাত এজন্য শিক্ষাগ্রহণ করা, লোকজন যেন তাকে ‘ক্বারী সাহেবা’ বলে। (২) নিজের জন্য বিনয়ের শব্দ যেমন, ‘ফকির’, ‘গুনাহ্গার’, ‘নাখান্দা’, ইত্যাদি এই জন্য বলা বা লিখা, ইসলামী বোনেরা যেন বিনয়ী স্বভাবের বলে মনে করে, বিনয়ের প্রশংসা করে। (৩) এজন্য ইসলামী বোনের সাথে হাস্যোজ্জ্বল চেহারা সাক্ষাৎ করা, তাকে যেন সবাই মিশুক ও সচ্চরিত্রবান বলে। (৪) সকলের সামনে দোয়া ইত্যাদিতে কান্না এসে গেলে চোখের পানি মুছতে থাকা, এজন্য যে, ইসলামী বোনেদের যেন এমন ভক্তি সৃষ্টি হয় যে, ইসলামী বোনটি রিয়াকারী থেকে বাঁচার জন্য তাড়াতাড়ি চোখের পানি মুছে নিচ্ছে। (৫) ইসলামী বোনেদের মনে স্থান

পাবার জন্য এ ধরণের কথা তৈরি করা যে, গুনাহকে আমার বেশি ভয় হয়, অশুভ পরিণতির ভয় হয়, অন্ধকার কবরে কি অবস্থা হবে, হায়! হায়! কিয়ামতের ময়দানে আল্লাহর দরবারে হিসাব কীভাবে দিব। (৬) দুনিয়ার প্রতি নিজের অনাসক্তি ও আমলদারীর ছাপ দেখানোর জন্য ইসলামী বোনদেরকে এ কথা বলা, ‘আমি তো ধনী ইসলামী বোনদের নিকট থেকে দূরেই থাকি’। (৭) কারো বিপদের কথা শুনে সমবেদনামূলক কথা বলা, ইসলামী বোনেরা যেন তাকে কোমল হৃদয়ের ইসলামী বোন বলে। (৮) হাতে এই জন্য তাসবীহ রাখা এবং ইসলামী বোনদেরকে দেখানো, ইসলামী বোনদের সামনে বিড়বিড় করা বা আওয়াজ করে পড়া, অনুরূপভাবে দরুদ ও যিকির করা যে, ইসলামী বোনেরা তাকে নেককার মনে করবে। (৯) ইসলামী বোনের সামনে পানাহার, উঠাবসা ইত্যাদির সুযোগে যত্নের সাথে সুন্নাতের খেয়াল রাখা, আর একাকী সুন্নাতের অনুসরণ করে না। (১০) দাওয়াতে বা কারো উপস্থিতিতে কম খাওয়া, এজন্য যে, ইসলামী বোনেরা তাকে সুন্নাতের অনুসারী ও স্বল্পভোজী বলে জানে। আল্লাহ পাক লৌকিকতা থেকে আমাদের নিরাপত্তা দান করুন।

أَمِينٌ بِجَاهِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

প্রিয় ইসলামী বোনেরা! লৌকিকতা থেকে বাঁচার জন্য ইবাদতের মাঝেও শয়তানের কুমন্ত্রণা থেকে বাঁচার চেষ্টা করুন, কেননা শয়তান লাগাতার আমাদের অন্তরে কুমন্ত্রণা প্রদান করার চেষ্টায় লেগে আছে, সুতরাং যেমনিভাবে নেক আমলের পূর্বে অন্তরে একনিষ্ঠতা থাকা আবশ্যিক, তেমনিভাবে প্রত্যেক নেকী ও ইবাদতের মাঝেও তা প্রতিষ্ঠিত রাখা আবশ্যিক।

যদিওবা এভাবে ভাবা ও চিন্তা করা খুবই কঠিন কিন্তু অসম্ভব নয়, শুরুতেই এই কাজ খুবই কঠিন অনুভূত হবে, কিন্তু যখন লাগাতার একটি নির্দিষ্ট সময় পর্যন্ত এতে ধৈর্যধারণ করা হয় তখন আল্লাহ পাকের দয়া ও অনুগ্রহে এবং তাঁর প্রদত্ত তৌফিকে এই কাজ সহজ হয়ে যায়, আমাদের কাজ চেষ্টা করা, সফলতা প্রদানকারী স্বত্বা হলো দয়ালু আল্লাহ পাক। (নেকীর দাওয়াত, ৭৮ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

পুরো শহর উজাড় হয়ে গেলো

এক ব্যক্তি শয়তানকে এমন অবস্থায় দেখলো যে, সে তার আঙ্গুল উঁচিয়ে যাচ্ছিলো। সে শয়তানকে জিজ্ঞাসা করলো: তুমি তোমার আঙ্গুল উঁচিয়ে কেন যাচ্ছে? শয়তান বললো: আমি আমার আঙ্গুল দ্বারা বড় বড় কাজ করে থাকি, লোকেরা যে পরস্পর ঝগড়া করে এবং ফিতনা ফ্যাসাদ করে, তা এই আঙ্গুলের খেলা। সেই ব্যক্তি আশ্চর্য হয়ে বললো: এটা কিভাবে সম্ভব? শয়তান বললো: সামনে যেই শহর, তা আমার এই আঙ্গুল কিছুক্ষণের মধ্যেই ধ্বংস করে দেবে এবং লোকেরা নিজেরই ঝগড়া বিবাদ শুরু করবে। শয়তান সেই ব্যক্তির সাথে শহরে প্রবেশ করলো, একটি বাজারে মিষ্টান্ন বিক্রেতা চিনি গুলে এর শিরা বানানোর জন্য তা একটি বড় পাত্রে গরম করছিলো। শয়তান শিরায় আঙ্গুল চুবিয়ে কিছুটা শিরা বের করে নিলো এবং তা দেওয়ালে লাগিয়ে দিয়ে বললো: এবার দেখো এই শহর কিভাবে ধ্বংস হয়, সুতরাং দেওয়ালে লাগা শিরাতে মাছি এসে বসলো, মাছির আধিক্য দেখে একটি টিকিটিকি তা খাওয়ার জন্য সেই দেওয়ালে আসলো। মিষ্টান্ন বিক্রেতার একটি বিড়াল ছিলো, সেই বিড়ালটি টিকিটিকিকে দেখে তার উপর হামলা করার জন্য প্রস্তুত হয়ে গেলো, দু'জন সৈন্য সেই বাজার দিয়ে অতিক্রম করছিলো, যাদের সাথে তাদের একটি কুকুরও ছিলো, কুকুরটি বিড়ালকে দেখে সাথে সাথেই তার উপর আক্রমণ করলো, বিড়ালটি পালাবার জন্য লাফ দিলে সোজা গিয়ে শিরার পাত্রের মধ্যে পরে মরে গেলো। মিষ্টান্ন বিক্রেতা তার বিড়ালকে মরতে দেখে কুকুরটিকে মেরে ফেলল, এই দৃশ্য দেখে সৈন্যরা মিষ্টান্ন বিক্রেতাকে হত্যা করে দিলো। মিষ্টান্ন বিক্রেতার আত্মীয়রা যখন জানতে পারলো তখন তারা সৈন্যদের মেরে ফেলল, যখন সৈন্য বাহিনী তাদের দু'জন সৈন্যের মৃত্যুর সংবাদ শুনলো পুরো সৈন্য বাহিনী রাগান্বিত হয়ে এসে পুরো শহরকে তছনছ করে দিলো। (শয়তান কি হিকায়াত, ১৫০ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

প্রিয় ইসলামী বোনেরা! বর্ণনাকৃত ঘটনায় যে শিক্ষা আমাদের জন্য রয়েছে, তা হলো যে, আমরা নিজেরাও ঝগড়া থেকে বিরত থাকবো এবং অন্যকেও এই

শয়তানি কাজ থেকে বিরত রাখার চেষ্টা করবো, কেননা অনেক সময় শুধু ভুল বুঝাবুঝির কারণে অনেক ঝগড়া হয়ে থাকে, অনেক পরিবার বরং বংশ উজাড় হয়ে যায়, তাই যদি কেউ আমাদের ঝগড়া করাতে চায় তবে আমাদের উচিত যে, আমরা তাদের নাপাক ইচ্ছা সফল হতে দিবো না।

ঝগড়া যদি করতেই হয় তবে নফস ও শয়তানে সাথে ঝগড়া করণ

সুতরাং আমাদের উচিত যে, ঝগড়া বিবাদ থেকে বেঁচে শয়তানের এই হাতিয়ারকে বিফল করা এবং ইসলামী বোনেদের সাথে ভালবাসার বন্ধন, উত্তম চরিত্র এবং নম্রতা ও মঙ্গল জনক ব্যবহার করা। মনে রাখবেন! ঝগড়ার একটি কারণ হলো অভিযোগ করা, এই অভিযোগই হলো ঝগড়া, এই অভিযোগের পরই কথা বাড়তে থাকে এবং ঝগড়া পর্যন্ত পৌঁছে যায়। সুতরাং যখনই কারো সংশোধন করা উদ্দেশ্য হয় বা কারো কাজের প্রতি দৃষ্টি আকর্ষণ করার ইচ্ছা হয় তবে অভিযোগের পরিবর্তে বুঝানোর ভঙ্গি অবলম্বন করণ। নম্র এবং আলাদাভাবে তাকে তার সমস্যা সম্পর্কে অবহিত করার চেষ্টা করণ। অন্য ইসলামী বোনের সামনে তাকে সংশোধন করা মানে তাকে অপমান করা এবং ইসলামী বোনের দৃষ্টিতে নীচু হওয়ার মতোই। যার ফলে সম্বোধিত ব্যক্তি ঝগড়া করে প্রতিশোধ নেয়ার জন্য প্রস্তুত হয়ে যায়, সুতরাং কারো সাথেই ঝগড়া করবেন না এবং নম্রতা ও ভালবাসা এবং ধৈর্য সহকারে কর্ম সম্পাদন করণ। * হ্যাঁ! যদি ঝগড়া করতেই হয়, তবে অভিশপ্ত শয়তানের সাথে ঝগড়া করণ, * যদি ঝগড়া করতেই হয়, তবে নফসে আন্মারার সাথে করণ, * যদি ঝগড়া করতেই হয়, তবে গুনাহের বিরুদ্ধে যুদ্ধের ঘোষণা করে শয়তানের প্রতিদন্ধিতা করণ, * যদি ঝগড়া করতেই হয়, তবে গীবত ও অপবাদের বিরুদ্ধে যুদ্ধের ঘোষণা করে প্রতিদন্ধিতা করণ, * যদি ঝগড়া করতেই হয়, তবে সিনেমা নাটকের সাথে ঝগড়া করণ, * যদি ঝগড়া করতেই হয়, তবে সুদের বিরুদ্ধে যুদ্ধ করণ, * যদি ঝগড়া করতেই হয়, তবে প্রতারনা এবং দুই নম্বরীর বিরুদ্ধে যুদ্ধ করণ, * যদি ঝগড়া করতেই হয়, তবে কু-ধারণা এবং অপবাদের বিরুদ্ধে শত্রুতা প্রকাশ করণ। মোটকথা! ঝগড়া যদি করতেই হয়, তবে মন্দ কাজের প্রতি করণ এবং সমাজকে নেকীর দিকে নিয়ে যান।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

প্রিয় ইসলামী বোনেরা! শয়তানের মানুষের সাথে শত্রুতার ধরন এই বিষয়টি দ্বারাও করা যেতে পারে যে, সে মানুষকে দুনিয়ায় তো বিভিন্ন ধরনে হাতিয়ার এবং কুমন্ত্রণার মাধ্যমে পথভ্রষ্ট করেই থাকে, কিন্তু মৃত্যুর সময়ও মানুষকে পথভ্রষ্ট করা, গুনাহের প্রতি উদ্বুদ্ধ করা এবং ঈমানের দৌলতকে ছিনিয়ে নিয়ে তাদেরকেও নিজের সাথে সর্বদার জন্য দোষখের ইন্ধন বানানোর চেষ্টায় লেগে আছে। শয়তানের নিজের তো তাওবা করার তৌফিক নাই তাই সে চায় না যে, অন্য কেউ তাওবা করে তার সাথীদের তালিকা থেকে বের হয়ে জান্নাতের পথের মুসাফির হয়ে যায়। সেই কারণেই সে দুনিয়ায় তাওবা থেকে বাঁধা প্রদান করে, মৃত্যুর সময় ঈমান ছিনিয়ে নেয়ার চেষ্টায় থাকে, শেষ নিশ্বাস পর্যন্ত পথভ্রষ্ট করার চেষ্টা করতে থাকে যে, যেকোন ভাবে সে নিজের ঈমান হারিয়ে দোষখের অধিকারী হয়ে যাক, শয়তান মানুষের অন্তরে যে কুমন্ত্রণা প্রদান করতে থাকে, সেই কুমন্ত্রণা অনেক সময় এতই ভয়ঙ্কর হয়ে থাকে যে, মানুষের জন্য নিজের দ্বীন ও ঈমান বাঁচানো কঠিন হয়ে যায়, যেমন; কখনো তাকদীরের ব্যাপারে কুমন্ত্রণা, কখনো ঈমানের বিষয়ে কুমন্ত্রণা, কখনো ইবাদতের ব্যাপারে কুমন্ত্রণা, কখনো পবিত্রতার ব্যাপারে কুমন্ত্রণা এবং কখনো এই অভিশপ্ত শয়তান আল্লাহ পাকের ব্যাপারে কুমন্ত্রণা প্রদান করতে থাকে। আসুন! এব্যাপারে একটি ঘটনা শ্রবণ করি।

ইমাম রাযী رَحْمَةُ اللَّهِ عَلَيْهِ এবং শয়তান

যখন ইমাম ফখরুদ্দীন রাযী رَحْمَةُ اللَّهِ عَلَيْهِ এর ওফাতের সময় নিকটবর্তী হলো তখন শয়তানও এসে গেলো। সে তাঁকে জিজ্ঞাসা করলো: তুমি জীবন মুনাজারায় অতিবাহিত করেছো, খোদার পরিচয়ও কি লাভ করেছো? তিনি رَحْمَةُ اللَّهِ عَلَيْهِ বললেন: অবশ্যই আল্লাহ এক। সে বললো: এর দলীল কি? তিনি رَحْمَةُ اللَّهِ عَلَيْهِ একটি দলীল উপস্থাপন করলো, সেই অভিশপ্ত ফিরিশতাদের ওস্তাদ ছিলো, সে সেই দলীল খন্ডন করে দিলো। তিনি আরেকটি দলীল দিলেন, সে তাও খন্ডন করলো। এমনকি তিনি رَحْمَةُ اللَّهِ عَلَيْهِ ৩৬০টি দলীল উপস্থাপন করলেন আর সে সবই খন্ডন করে দিলো। এবার তিনি رَحْمَةُ اللَّهِ عَلَيْهِ চিন্তিত এবং খুবই হতাশ হয়ে গেলেন, তাঁর পীর ও মুর্শিদ হযরত

নজমুদ্দীন কুবরা رَحْمَةُ اللهِ عَلَيْهِ দূরে কোথাও উচু স্থানে অয়ু করছিলেন, সেখান থেকেই তাঁকে আওয়াজ দিলেন: বলছো না কেন যে, আমি আল্লাহকে কোন দলীল ছাড়াই মেনে নিয়েছি। (আদাবে মুর্শিদে কামিল, ৮৮ পৃষ্ঠা)

মন্দ মৃত্যু থেকে বাঁচার পদ্ধতি

প্রিয় ইসলামী বোনেরা! জানা গেলো! ঈমানের নিরাপত্তা এবং উত্তম পরিনতির একটি উপায় হলো কোন কামিল পীরের মুরীদ হয়ে যাওয়া। الْحَسَنُ بْنُ পীর ও মুর্শিদের বাতেনী দৃষ্টিতেও শয়তানের আক্রমণ থেকে নিরাপত্তা নসীব হয়। এমনকি ঈমানের উপর শেষ পরিনতিও নসীব হয়ে যায়, অন্যথায় শয়তান মৃত্যুর সময় কুমন্ত্রণার মাধ্যমে মুসলমানের ঈমানকে নষ্ট করার পুরোপুরি চেষ্টা করে থাকে।

প্রিয় ইসলামী বোনেরা! শয়তানের কুমন্ত্রণা থেকে বাঁচতে, ঈমানের নিরাপত্তা পেতে, সুন্নাহের অনুসারী হতে এবং গুনাহের প্রতি সত্যিকারভাবে ঘৃণা করাতে এবং ঈমানের নিরাপত্তার প্রেরণা নিজের মাঝে সৃষ্টি করতে উত্তম সহচর্য অবলম্বন করুন, কেননা উত্তম সহচর্যে বসাতে গুনাহের প্রতি ঘৃণা এবং নেকীর করার মানসিকতা সৃষ্টি হয়। বর্তমানে আশিকানের রাসুলের মাদানী সংগঠন দা'ওয়াতে ইসলামীর মাদানী পরিবেশ কোন নেয়ামতের চেয়ে কম নয়, সুতরাং যদি আমরা নেককার হয়ে ঈমানের নিরাপত্তা রক্ষাকারী হতে চাই তবে আজই দা'ওয়াতে ইসলামীর মাদানী পরিবেশে সম্পৃক্ত হয়ে আমীরে আহলে সুন্নাহ دَامَتْ بَرَكَاتُهُمُ الْعَالِيَةِ এর দয়াময় আঁচলে সম্পৃক্ত হয়ে যান এবং সুন্নাহের সাড়া জাগানোর জন্য ৮টি মাদানী কাজে স্বতঃস্ফূর্তভাবে অংশগ্রহণ করুন।

শয়তান কেন অভিশপ্ত হলো?

প্রিয় ইসলামী বোনেরা! আসুন! অভিশপ্ত শয়তান সম্পর্কে কিছু শ্রবণ করি, সে কে ছিলো এবং তার এই আপদ কিভাবে এলো যে, আল্লাহ পাক তাকে অনন্তকালের জন্য নিজের পবিত্র দরবার থেকে কেন অভিশপ্ত বলে ঘোষণা করে দিয়েছেন।

মনে রাখবেন! সে নরাধম ও অভিশপ্ত ঘোষিত হওয়ার পূর্বে শয়তান সুন্দর, সুশ্রী, অনেক বেশি জ্ঞানের অধিকারী, অনেক বেশি ইবাদতকারী, ফিরিশতাদের

সর্দার ছিলো, তার ফিরিশতাদের মাঝে একটি বিশেষ মর্যাদা অর্জিত ছিলো, **হযর** صَلَّى اللهُ عَلَيْهِ وَآلِهِ وَسَلَّمَ ইরশাদ করেন: ফিরিশতাদের নূর দ্বারা সৃষ্টি করেছেন আর ইবলিশকে শুধুমাত্র আগুন দ্বারা সৃষ্টি করেছেন। (মুসলিম, কিতাবু যুহুদ ওয়ার রিকাক, ১২২১ পৃষ্ঠা, হাদীস-৭৪৯৫) ইবলিশ যাকে শয়তান বলা হয়, ফিরিশতাদের সর্দার হওয়ার পূর্বে চল্লিশ হাজার বছর পর্যন্ত জান্নাতের ধনভান্ডারের দায়িত্বে ছিলো, আশি হাজার বছর পর্যন্ত ফিরিশতাদের সাথে ছিলো, বিশ হাজার বছর পর্যন্ত ফিরিশতাদের বয়ান শুনাতে থাকে, ত্রিশ হাজার বছর পর্যন্ত নৈকট্যশীল ফিরিশতাদের (যেমন হযরত জিব্রাইল ও হযরত আজরাঈল عَلَيْهِ السَّلَام ইত্যাদি) সর্দার ছিলো, এক হাজার বছর পর্যন্ত রুহানিয়নদের (অর্থাৎ সূর্য চন্দ্র থেকেও বেশি আলোকিত চেহারা সম্পন্ন বিশেষ ফিরিশতা) সর্দার ছিলো, চৌদ্দ হাজার বছর পর্যন্ত আরশের তাওয়াফ করতে থাকে, প্রথম আসমানে তার নাম আবিদ, দ্বিতীয় আসমানে যাহিদ, তৃতীয় আসমানে আরিফ, চতুর্থ আসমানে অলী, পঞ্চম আসমানে তক্বী, ষষ্ঠ আসমানে খাযিন এবং সপ্তম আসমানে আযাযিল ছিলো আর লৌহে মাহফুযে তার নাম ইবলিশ (অর্থাৎ আল্লাহর রহমত থেকে নিরাশ) লিখা ছিলো এবং সে তার পরিনতি সম্পর্কে অজ্ঞাত ছিলো।

(আজায়িবুল কোরআন মাআ গারায়িবুল কোরআন, ২৫৩ পৃষ্ঠা) যখন আল্লাহ পাক তাকে হযরত আদম عَلَيْهِ السَّلَام কে সিজদা করার আদেশ দিলে তখন সে বলতে লাগলো: হে আল্লাহ! তুমি একে আমার উপর ফযিলত দিয়ে দিয়েছো, অথচ আমি তাঁর থেকে উত্তম, তুমি আমাকে আগুন দ্বারা এবং তাঁকে মাটি দ্বারা সৃষ্টি করেছো, আমি আগুন হয়ে এই মাটির তৈরি মানুষকে সিজদা করবো? তখন দয়ালু রব ইরশাদ করলেন: আমি যা ইচ্ছা তাই করি। সকল ফিরিশতরা হযরত আদম عَلَيْهِ السَّلَام কে সিজদা করলো কিন্তু অভিশপ্ত শয়তান অহঙ্কারের কারণে সিজদা করলো না, তখন ফিরিশতারা আল্লাহ পাকের কৃতজ্ঞতা জ্ঞাপন করার জন্য আরেকটি সিজদা শোকরানা স্বরূপ করলো, কিন্তু শয়তান তাদের থেকে দূরে দাঁড়িয়ে রইলো এবং তার এই কাজের জন্য কোন অনুশোচনা হলো না তখন তাকে অহঙ্কার করার কারণে আল্লাহ পাক অনন্তকালের জন্য আপন দরবার থেকে অভিশপ্ত ঘোষণা করে বের করে দিলেন, শুকরের ন্যায় বুলন্ত মুখ, মাথা উটের মাথার ন্যায়, বুক বড় উটের কুঁজের ন্যায়, চেহারা এমন যেমনটি বানরের ন্যায়, চোখ খাড়া, নাক নাপিতের খুরের ন্যায় খোলা, ঠোঁট ষাঁড়ের

ঠোঁটের ন্যায় ঝুলন্ত, দাঁত শুকরের ন্যায় বাইরে বের করা এবং দাড়িতে শুধুমাত্র সাতটি চুল, এই আকৃতিতে তাকে জান্নাত খেবে নীচে ফেলে দেয়া হলো এবং কিয়ামত পর্যন্ত অভিশাপের অধিকারী হয় গেলো আর তখন থেকে এই ইবলিশ, অভিশপ্ত শয়তান নামে প্রসিদ্ধ হয়ে গেলো। (মুকাশফাতুল কুলুব, ৭৯ পৃষ্ঠা)

অহঙ্কারের ধ্বংসলীলা

প্রিয় ইসলামী বোনেরা! এখনই আমরা শয়তান সম্পর্কে শুনলাম যে, কতবড় ইবাদত গুজার, জ্ঞানী ছিলো কিন্তু তাকে একটি গুনাহের কারণে আল্লাহর দরবার থেকে অভিশপ্ত ঘোষণা করে দিয়ে বের করে দেয়া হয়েছে এবং সেই গুনাহ ছিলো অহঙ্কার। * অহঙ্কার শয়তানের হাতিয়ার গুলোর মধ্যে একটি হাতিয়ার, যার মাধ্যমে সে মানুষের সাথে নিজের শত্রুতা প্রকাশ করে এবং মানুষকে পথভ্রষ্ট করে তাদেরকে আল্লাহ পাকের অসম্ভব অতল গহ্বরে ঠেলে দেয়, মনে রাখবেন! * অহঙ্কার ধ্বংসকারী আমল, * অহঙ্কারী আল্লাহ পাকের অপছন্দনীয় বান্দা, * অহঙ্কারী দূর্ভাগাদের অন্তরে আল্লাহ পাক মোহর লাগিয়ে দেয়, * অহঙ্কারী কোরআনী আয়াতে চিন্তা ভাবনা করা এবং তাদের থেকে শিক্ষা ও নসীহত অর্জন করা থেকে বঞ্চিত হয়ে যায় * এবং সেই দূর্ভাগাকে অপদস্ত করে দোষখে প্রবেশ করানো হবে। আসুন! অহঙ্কারের সংজ্ঞা শ্রবণ করে নিই:

অহঙ্কারের সংজ্ঞা

নিজেকে উত্তম, অপরকে নিকৃষ্ট মনে করার নামই হলো অহঙ্কার।

প্রিয় নবী ﷺ ইরশাদ করেন: অহঙ্কার সত্যের বিরোধীতা এবং মানুষকে নিকৃষ্ট জানার নাম। (মুসলিম, কিতাবুল ঈমান, ৬১ পৃষ্ঠা, হাদীস-৯১)

ইমাম রাগিব আসফাহানী رَحْمَةُ اللهِ عَلَيْهِ লিখেন: অহঙ্কার হলো, মানুষ নিজেকে অন্যের চেয়ে উত্তম মনে করা। (আল মুফরিদাত লির রাগিব, ৬৯৭ পৃষ্ঠা)

যার অন্তরে অহঙ্কার থাকে তাকে “অহঙ্কারী” বলা হয়।

অহঙ্কার থেকে বাঁচার উপায়

অহঙ্কার থেকে মুক্তির জন্য বিনয়ের ফযীলতের প্রতি দৃষ্টি রাখুন এবং এভাবে “চিন্তা ভাবনা” অর্থাৎ নিজের আমলের হিসাব করণ যে, হাশরের ময়দানে

প্রত্যেককে নিজের কৃতকর্মের হিসাব দিতে হবে, আমাকেও আপন প্রতিপালকের দরবারে নিজের আমলের হিসাব দিতে হবে, যদি অহঙ্কারের কারণে আমার প্রতিপালক আমার প্রতি অসন্তুষ্ট হয়ে যান এবং আমাকে দোষখে নিষ্ক্ষেপ করে দেয়া হয় তবে দোষখের ভয়াবহ আযাব কিভাবে সহ্য করবো? এমনভাবে নিজের আমলের হিসেব করাতে **اِنْ شَاءَ اللهُ** অহঙ্কার থেকে বাঁচতে অনক সাহায্য অর্জিত হবে।

অনুরূপভাবে অহঙ্কার এবং অন্যান্য মন্দ কাজ থেকে মুক্তির জন্য এভাবে দোয়া করুন: হে আল্লাহ! আমি নেককার হতে চাই, অহঙ্কার এবং অন্যান্য সকল মন্ত কাজ থেকে পিছু ছাড়াতে চাই, কিন্তু নফস ও শয়তান বাঁধা হয়ে দাঁড়ায়, তুমি এর প্রতিদন্ধিতায় আমাকে সফলতা দান করো, আমাকে নেককার বানিয়ে দাও, বিনয়ের নেয়ামত দান করো।

তাবীযের আদব ও মাসআলা

প্রিয় ইসলামী বোনেরা! আসুন! আমীরে আহলে সুন্নাত **دَامَتْ بَرَكَاتُهُمُ الْعَالِيَةِ** এর পুস্তিকা “জীবিত কন্যাকে কূপে নিষ্ক্ষেপ করলো” এর ১৯ পৃষ্ঠা থেকে তাবীযের কিছু আদব ও মাসআলা শ্রবন করি: * কোরআনের আয়াত পাঠ করার জন্য হায়েয ও নিফাস এবং জানাবাত (তথা গোসল ফরয হওয়া) থেকে পবিত্র হওয়া জরুরী আর আয়াতের তাবীজ লিখার সময়ও পবিত্রতার প্রতি অবশ্যই খেয়াল রাখুন। যার উপর গোসল ফরয হয়নি সে অযু ছাড়া স্পর্শ করা ব্যতীত দেখে বা মুখস্থ আয়াত পাঠ করতে পারবে কিন্তু অযু ছাড়া আয়াতের তাবীয লিখা তার জন্যও জায়িয় নেই। অনুরূপ ভাবে এই ধরণের সবার জন্য এরকম তাবীয স্পর্শ করা পরিধান করা হারাম, * যদি আয়াতের তাবীয কাপড়, রেশ্মিন বা চামড়া ইত্যাদিতে সেলাই করা থাকে তবে গোসলবিহীন এবং অযু ছাড়া সকলের জন্য তা স্পর্শ করা, পরিধান করা জায়িয়। * তাবীয সব সময় এই ভাবেই লিখবেন যাতে প্রত্যেক বৃত্তাকার হরফগুলোর গোলাকৃতি খোলা থাকে। অর্থাৎ এই ভাবে ط, ظ, ص, ض, و, م, ف, ق, ইত্যাদি। * আয়াত প্রভৃতির মধ্যে ইরাব (তথা যের, যবর, পেশ ইত্যাদি) লাগানো জরুরী নয়। * পরিধান করার তাবীয সব সময় ওয়াটার প্রফ কালি যেমন; বল পয়েন্ট দিয়ে লিখবে। * তাবীয মুড়ানোর সময় এভাবে পাঠ করুন: بِسْمِ اللَّهِ الرَّحْمَنِ

الرَّحِيمِ وَ صَلَّى اللَّهُ تَعَالَى عَلَى مُحَمَّدٍ نُورِضُنْ نُورِ اللَّهِ ★ আ'লা হযরত رَحْمَةُ اللَّهِ عَلَيْهِ তাবীয ভাজ করার সময় ডান দিক থেকেই ভাজ করতেন। ★ তাবীয পরিধানকারীর উচিত হচ্ছে ঘাম ও পানি ইত্যাদির প্রভাব থেকে রক্ষা করার জন্য তাবীযকে মোম ভর্তি করে নেওয়া। (অর্থাৎ মোমের মধ্যে ভিজানো কাপড়ের টুকরা জড়িয়ে নিন) অথবা প্লাষ্টিক বাঁধিয়ে নিন, তার পর কাপড়, রেস্লিন বা চামড়া ইত্যাদিতে সেলাই করে নিন। ★ মহিলারা স্বর্ণ, রূপার কৌটায় তাবীয পরিধান করতে পারবে। ★ যে থালা, পেয়ালা বা প্লেট ইত্যাদিতে কোরআনের আয়াত লিখা হয়েছে, তার ব্যবহার মাকরুহ অবশ্য শিফার নিয়তে পানি পান করা যেতে পারে। কিন্তু অযু ছাড়া এবং হায়েয ও নিফাস বিশিষ্ট মহিলার জন্য আয়াত বিশিষ্ট বাসন স্পর্শ করা হারাম। (বাহারে শরীয়ত, ১/৩২৭)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ